

四庫全書

集部

欽定四庫全書

集部
宋藝圃集卷十六

詳校官中書臣陸 湘

侍讀臣孫球覆勘

總校官庶吉士臣何思鈞

校對官編修臣李堯棟

謄錄監生臣毛 杞

欽定四庫全書

宋藝圃集卷十六

明 李萊 編

朱文公二百四十二首

感事有歎

榮華難久恃，代謝安可量。宿昔堂上飲，今歸荒草鄉。高堂一以傾，纔帳施空房。繁絃既闕奏，緩舞亦輟行。桃李自妍華，春風自飄揚。戀帷靡遺思，更衣有餘芳。身徂名

亦滅事往恨空長寄語繁華子古今同一傷

遊密庵

弱齡慕丘壑茲山屢遊盤朝躋青冥外暮涉浮雲端晴
嵐染襟裾水石清肺肝俯仰未云已歲月如飛翰中年
牽塵務引脰空長歎曠歲一登厯心期殊未闌矧此親
交集笑談有餘歡結架迫巉磳徙倚臨奔湍共惜前古
秘今為後來觀落景麗雲木回風馥秋蘭林昏景益佳
悵然撫歸鞍諒哉故山好莫遣茲盟寒

將遊雲谷約同行者

躋險擇幽棲，寒蘿結茅屋。疏泉下石潭，種樹滿煙谷。時
登北原上，一騁千里目。雲物下逶迤，岡巒遠重複。暫辭
忽曠歲，再往恨牽俗。因悲昨遊侶，或已在鬼錄。暄風悟
新陽，一雨欣衆綠。明發君莫遲，幽期我當卜。

秋夜嘆

秋風淅瀝鳴清商，秋草未死啼寒螿。幽人幽人起晤嘆，
仰視河漢天中央。河漢西流去不息，人生辛苦何終極。

蒼山萬疊雲氣深去鍊形魂生羽翼

賦水仙花

隆冬彫百卉江梅厲孤芳如何蓬艾底亦有春風香紛
敷翠羽帔濕艷白玉相黃冠表獨立淡然水仙粧弱質
愧蘭蓀高標摧冰霜湘君謝遺襍漢水羞捐璫嗟彼世
俗人慾火焚衷腸徒知慕佳冶詎識懷真剛淒涼柏舟
擔惻愴終風章卓哉有遺烈千載不可忘

寄題九日山豁然亭

昨遊九日山散髮岩上石仰看天宇近俯歎塵境窄歸
來今幾時夢想挂蒼壁聞公結茅地忽復記疇昔年隨
流水逝事與浮雲失了知豁然處初不從外得遙憐植
杖翁鶴髮雙眼碧永嘯月明中秋風桂花白

遊白鹿洞得謝字呈元範伯起之才三兄

歲月有環周窮臘忽更謝眷眷山水心幸此朱墨暇招
呼得良友邂逅成夙駕深尋故轍迹喜見新結駕永懷
拾遺公藏器此待價橫流詩書澤下及楊李霸炎神撫

興運制作流大化石室萬卷藏綸言九天下規模未云
遠荒第良可詫自非賢邑宰誰復此精舍會當求勅賜
畢願老耕稼更與盡心期臨流抗風榭

行視武夷精舍作

神仙九折溪沿沂此中半水深波浪闊浮綠春渙渙上
有蒼石屏百仞聳雄觀嶄巖露垠堦突兀倚霄漢淺麓
下縈迴深林久叢灌胡然閱千載遽此開一旦我乘新
村船輟棹青草岸榛莽喜誅鋤面勢窮考案居然一環

堵妙處豈輪奐左右矗竒峰躊躇極佳玩是時芳節闌
紅綠紛有爛好鳥時一鳴王孫遠相喚暫遊意已愜獨
往身猶絆珍重舍瑟人重來足幽伴

卜居

卜居屏山下俯仰三十秋終然村墟近未愜心期幽近
聞西山西深谷開平疇茆茨十數家清川可行舟風俗
頗淳厚曠土非難求誓捐三徑資往遂一壑謀伐木南
山顛結廬北山頭耕田東溪岸濯足西溪流朋來即共

歡客去成孤遊靜有山水樂而無身世憂著書俟來哲
補過希前修茲焉畢暮景何必營菟裘

同安官舍夜作

官署夜方作幽竹月生初閒居秋意遠花香寒露濡故
園異時節欲歸懷簡書聊從西軒外塵思一蕭疎

述懷

夙尚本林壑灌園無寸資始懷經濟策復愧軒裳姿効
官刀筆間朱墨手所持謂言殫蹇劣詎敢論居卑任小

才亦短抱念一無施幸蒙大人賢加惠寬筆答撫已實
已優於道豈所期終當反初服高揖與世辭

擬古八首

離離原上樹戢戢澗中蒲娟娟東家子鬱鬱方幽居濯
濯明月姿靡靡朝華敷昔為春蘭芳今為秋薜蘿寸心
未銷歇託體思同車

二

綺閣百餘尺朝霞冠其端飛欄麗遠漢曲楹何盤桓清

謠登徵音一唱再三歎借問誰為此佳人本邯鄲微響
激流風浮雲慘將寒為言何所悲遊子在河間不恨久
離闊但憂芳歲闌願為清宵夢燕昵窮飲歡

三

上山採薇蕨側徑多幽蘭采之不盈握欲寄道里難洗
憂念故人長夜何漫漫芳馨坐銷歇徘徊以悲嘆

四

佳月朗秋夜蟋蟀鳴空堂大火西北流河漢未渠央野

草不復滋白露結為霜梁燕起高飛雲鴈一南翔念我
同心子音形阻一方不念執手歡隔我如參商寓龍不
為澤畫餅難充腸金石誠自堅虛名真可傷

五

鬱鬱澗底樹揚英秋草前與君結懽愛自比金石堅金
石終不渝懽愛終不疏一夕遠離別悠然在中途相思
未云變音容定何如傷彼三春蕖灼灼層華敷盛時不
可留恐逐嚴霜枯夫君來何晚賤妾長離居

六

高樓一何高俯瞰窮山河秋風一夕至憔悴已復多寒
暑遞推遷歲月如頽波離騷感遲暮惜誓閔蹉跎放意
極驩虞吐此可奈何邯鄲多名姬素豔凌朝華妖歌掩
齊右緩舞傾陽阿徘徊起梁塵綵繚紛衣羅麗服秉奇
芬顧我長咨嗟願生喬木陰黃緣若絲蘿

七

夫君滄海至贈我一篋珠誰言君行近南北萬里餘結

作同心花綴在紅羅襦雙垂合歡帶麗服眷微軀為君
一起舞君情定何如

八

衆星何厯厯嚴宵麗中天殷憂在之子起步荒庭前出
門今幾時書劄何由宣沉吟不能釋愁結當誰憐臨風
一長嘆淚落如奔泉

晨起對雨 二首

淒冽歲云晏雨雪集晨朝高眠適方起四望但蕭條遠

氛白漫漫風至林靄消流潦冒荒塗清川亦迢迢遐瞻
思莫窮端居心自超覽物思無託即事且逍遙

二

晨風候前障白煙眇林端雨意方未已后土何時乾倚
竹聽蕭瑟俯澗聞驚湍景物豈不佳所嗟歲已闌守道
無物役安時且盤桓翳然陶茲理貧樵非所嘆

客舍聽雨

沈沈蒼山郭暮景含餘清春靄起林際滿空寒雨生投

裝即虛館簷響通夕鳴遙想山齋夜蕭蕭木葉聲

讀道書六首

叢居秉貞操所慕在玄虛清夜眠齋宇終朝觀道書形
忘氣自冲性達理不餘於道雖未庶已超名跡拘至樂
在襟懷山水非所娛寄語狂馳子營營竟焉如

二

失志墮塵網浩思屬滄洲靈芝不可得歲月逐江流碧
草晚未彫悲風颯已秋仰看鸞鶴期白雲但悠悠

三

白露墜秋節碧陰生夕涼起步廣庭內仰見天蒼蒼東
華綠髮翁授我不死方願言勤修學接景三玄鄉

四

四山起秋雲白日照長道西風何蕭條極目但煙草不
學飛仙術日日成醜老空瞻王子喬吹笙碧天杪

五

鬱羅聳空上青冥風露淒聊乘白玉鸞上與九霄期激

列玉簫聲天
矯餐霞姿一回
流星盼千載
空相思

六

王喬吹笙去
列子御風還
至人絕華念
出入有無間
千載但聞名
不見冰玉顏
長嘯空宇碧
何許蓬萊仙

月夜述懷

皓月出林表
照此秋牀單
幽人起晤嘆
桂香發窗間
高梧滴露鳴
散髮天風寒
抗志絕塵氛
何不棲空山

即事偶成

卷十六
白煙竟日起雨晦蒼山深老菊不復妍丹楓滿高林抱
病寢齋房窗戶結愁陰起望一舒情遐眺豁煩襟人生
亦已勞世路方崎嶇且詠招隱作無為名跡侵

寄題咸清精舍清暉堂

山川佳麗地結宇娛朝昏朝昏有奇變超忽難具論千
嵐蔽夕陰百嶂明晨暎窮林擢遙景回澗盪秋氛覽極
慚未周窮深遂忘喧欲將身世遺况託玄虛門境空乘
化往理妙觸目存珍重忘言子高唱絕塵紛

試院雜詩 二首

長廊一遊步愛此方塘淨急雨散遙空圖文滿幽境階
空綠苔長院僻寒飈勁長嘯不逢人超搖得貞性

二

藝苑門素肅長廊似僧居偶來一散步暫與塵網疎文
字謝時輩銓衡賴羣儒伊予獨何者偏仄心煩紆

秋懷

井梧已飄黃澗樹猶含碧煙水但逶迤空齋坐蕭瑟端

居生遠興散漫委書帙愛此北窻閒時來岸輕幘微鐘
忽迢遞禽語破幽寂賞罷一悄然淡泊忘所適

曉步

初日麗高閣廣步愛脩廊重門掩秋氣高柳蔭方塘閨
海冬尚溫晏陰天未霜坐悲景物殊亦念歲時荒故園
屬佳辰登覽遍陵岡賓遊盡才彥蕭散屏壺觴別來時
已失懷思寧暫忘宦遊何所娛要使心懷傷

懷山田作

二首

郊園多所樂況此歲云暮寒色澹瑤空清霜變紅樹欲
舒林表望詎識塵中趨向晚寂無人氤氲欲成霧

二

冰溪流已咽陰嶺寒方結忽值早梅春未恐芳心歇的
皜終自妍殷勤為誰折千里寄相思相思正愁絕

寄題金元鼎同年長秦面山亭

抗心塵境外結宇臨秋山乘高一騁望表裏窮遐觀衆
壑互攢列連岡莽縈環陽崖烟景舒陰壑悲風寒碧草

晚未彫林薄已復丹仙人吳門子歲晚當來還

冬至陰雨

愆陽值歲晏忽復層陰結一雨散霏微千林共騷屑
居遺簿領遠意懷幽潔曠慮守微痾殊方感新節豈伊
田廬念丘壟摧心折還登東嶺岡瞻竚何由歇

安溪道中泉石奇甚絕類劍閣間山水佳處也

驅車陟遠岡振轡出林莽霧露曉方除日照川如掌行
行遵曲岸水石窮幽賞地偏寒篠多澗激淙流響祗役

未忘倦心神暫蕭爽感此懷故山何日稅征鞅

茅舍獨飲

出身從吏役驅車涉窮山日落陰景晦天高風氣寒豈
無斗酒資獨酌誰為嘆一盃且復醉百念中闌干

教思堂作示諸同志

吏局了無事橫舍終日閒庭樹秋風至涼氣滿窗間高
閣富文史諸生時往還縱談忽忘倦時觀非云慳詠歸
同與點坐忘庶希顏塵累日以銷何必棲空山

還家即事

獻歲事行役徂春始還歸昔往草木芳今來翠成幃扶
疎滿園陰時禽互翻飛叢萱亦已秀丹葩耀晨輝即事
誰與娛淹留自忘機日暮復出門悵然心事違古人不
可見獨掩荒園扉

題吳公濟風泉亭

澗谷居永久高情未云酬茲焉發天秘始造寒巖幽上
有茂樹陰下有清泉流結亭倚蒼峭鑿磴窮嵌丘翠壁

自屏立青鮮亦環周

竭來憇永夏凜若臨清秋仰空韻笙竽俯檻鏘琳瑯幽
聽一以會悠然神與謀遐哉超世心暇日聊娛憂笑問
車馬客誰能淹此留

奉和公濟兄留周賓之句

端居感時序駕言誰適從聊攜二三子杖履此日同悠
哉素心人宴坐空巖中真成三秋別夢想情何窮行行
陟崇岡引脰希高風忽然兩相值俯仰迷西東鱣堂偶

林間雞黍聊從容不辭腰腳勞共上西南峰佩萸笑長
房把菊追陶公遐觀衆山迥一酌千慮融興罷復來歸
杳靄秋堂空窺樽訖餘漉倚閣聞疎鐘主人意未闌驪
駒匆匆匆

秋日同廖子晦劉淳叟方伯林劉彥集登天湖下
飲泉石軒以山水含清暉分韻賦詩得清字

閒居寡儔侶掩關抱孤清良友脩來止曠然舒我情矧
此涼秋初暑退裳衣輕相與一攜手來山眇遐征前穿

林嶺幽俯瞰川原平降集崖寺古裴回濁醪傾長吟伐
木篇潛鱗亦相驚願結沮溺耦窮年此巖耕

楞伽院李氏山房

躡石循急磴穿林度重岡俛入幽谷邃仰見竒峰蒼李
公英妙年讀書此雲房一去上臺閣致身何慨慷蘇公
記藏書文字有耿光餘事亦騷雅戲墨仍風霜兩公不
歸來歲月忽已荒何用建遺烈寒泉薦孤芳

下元節假行視陂塘因與賓友攜兒甥出郭登山

歸賦二詩呈郡中諸寮友

廬阜東北際岵嶢五峰尊中巖窮林繞青天白雲屯郡
閣有佳眺徙倚空朝昏今晨幸休暇發軔北郭門牽蘿
出林端躡屐躋雲根高尋却深宮小憩欣潺湲古殿宿
寒靄新覺麗朝暾扶藜陟東岡夙昔規層軒却倚千尋
峭前窺百泉奔長風卷浮埃江湖渺相吞結架雖未諧
雄瓌已難論同來俱勝流晤語仍王孫已踐支許諾不
慙夙尚魂賦詩記茲日歲晚期相敦

山北紀行四章章八句

祇役廬山陽矯首廬山陰雲峰不可覲碧澗何由尋
昨朝解印章結友同窺臨盡彼巖壑勝滿茲仁知心

二

窺臨事若何請從圓通說逶迤山門路悄悄脩篁列溪
仍侯家名屋是孱王設何救黍離歌喟焉傷覆轍

三

行逢石門雨解驂寒澗東朝躋錦繡谷俯仰春冥濛懸

泉忽淙琤雜樹紛青紅屢憇小亭古幽探思無窮

四

竦身長林端策足層崖表仰瞻空界闊俯嘆塵寰小天
地西嶽崙佛手東窈窕杖屨往復來憑軒瞰歸鳥

讀子厚步月詩時方聞呂伯恭訃後數日賦此

晚步曲池上西風吹我裳仰觀天宇闊愛此明月光念
我素心人眇焉天一方沒者永乖隔存者為參商飄零
百歲期寂寞幽鬢霜還坐三太息高林鬱蒼蒼

臘月九日晚發懷安公父教授壽翁知丞載酒為
別而元禮景嵩子木擇之廷考老叔舜民諸賢相
與同舟乘便風頃刻數十里江空月明飲酒甚樂
因以星垂平野闊月湧大江流分韻喜得星字醉
中別去乃得數語略記一時之勝云

挂帆望煙渚整棹別津亭風水已云便我行安得停離
樽枉羣賢濁醪愧先傾談笑不知遠但覺江流清獵獵
甘蔗洲茫茫白沙汀斯須復回首祇有遙山青野色一

以暝川光晶孤明中流漾華月極浦涵疎星酒酣客散
歸茫然獨宵征起視天宇闊此身一浮萍難追五湖遊
未願三閭醒且詠招隱作孤舟轉鈴竈

石馬斜川之集分韻賦詩得燈字

改歲風日好出門欣得朋復招里中彥及此雲間僧行
行步清波斯亭一來登徙倚綠樹蔭摩娑蒼石稜遙瞻
原野春仰視天宇澄一水既紆鬱羣山正峻嶒時禽悅
新陽潛魚躍輕冰却念去年日俯仰愁予膺長吟斜川

詩日落寒煙凝暝色變晴景清尊照華燈顏顏感川徂
稚齒歡年增酒盡不能起朱欄各深凭

乙卯八月晦日浮雲亭次叔通韻

弱植有孤念獨往窮名山那知歲月逝白首塵埃間今
朝定何朝憑高睨清灣羣賢一戾止共此一日閒晤言
不知疲林昏鳥飛還勝踐可無記重來諒非艱留語巖
上石毋使門常關

宿石邑館

春江日東注我行遡其波揚帆指西滙兩岸青山多青
山自逶迤飛石空差峩綠樹生其間幽鳥鳴相和飛蓬
騁遐眺擊楫成幽歌獨語無與晤茲懷竟如何

喜晴

衝飈動高柳綠水澹微波日照秋空淨雨餘寒草多放
懷遺簿領發興託煙蘿忽念故園日東阡時一過

遠遊篇

舉坐且停酒聽我歌遠遊遠遊何所至咫尺視九州九

州何茫茫環海以為疆上有孤鳳翔下有神駒驤孰能
不憚遠為我遊其方為子奉尊酒擊鉢歌慨慷送子臨
大路寒日為無光悲風來遠壑執手空徊徨問子何所
之行矣戒關梁世路百險艱出門始憂傷東征憂暘谷
西遊畏羊腸南轅犯癘毒北駕風裂裳願子馳堅車躡
險摧其剛戕戕既不支瑣瑣誰能當朝登南極道暮宿
臨太行睥睨即萬里超忽凌八荒無為蹙蹙者終日守
空堂

落星寺

浩浩長江水東逝無停波及此一回薄湖平烟浪多孤
嶼屹中川層臺起周阿晨望愛明滅夕遊驚蕩磨極目
青冥茫回瞻碧差我不復車馬跡惟聞榜人歌我願辭
世紛茲焉老漁蓑會有滄浪子鳴舷夜相過

漱玉亭

奇哉康山陽雙劍屹對起上有橫飛雲下有瀑布水崩
騰復璀璨佳麗更雄偉勢從三梁外影落明湖裏平生

兩仙句詠嘆深仰止三年落星灣悵然眼空眯今朝隨杖屨得此弄清泚更誦玉虹篇塵襟諒昭洗

三峽橋

兩岸蒼壁對直下成斗絕一水從中來蕩滴知幾折石梁據其會迎望遠明滅倏至走長蛇捷來翻素雪聲雄萬霹靂勢倒千崿嶰足掉不自持魂驚詎堪說老仙有妙句千古稱竒崛尚想化鶴來乘流弄明月

屢遊廬阜欲賦一篇不能就董役臥龍偶成此詩

登車閩嶺徼息駕康山陽康山高不極連峰鬱蒼蒼金
輪西差我五老東昂藏想像仙聖集似聞笙鶴翔林谷
下棲迷雲關杳相望千巖雖競秀二勝終莫量仰瞻銀
河翻俯看蛟龍驤長吟謫仙句和以玉局章疇昔勞夢
思茲今幸徜徉尚恨忝符竹未愜棲雲房已尋兩岸間
結屋依陽岡上有飛瀑駛下有清溪長循名協心期弔
古增悲涼壯齒乏奇節頽年矧昏荒誓將塵土蹤暫寄
雲水鄉封章倘從欲歸來澡滄浪

夜泛小舟弄月劇飲因作二首

扁舟颺空閣煙水浩將平
月色中流滿秋聲兩岸生
杯深同醉劇嘯罷獨魂驚
歸去空山黑西南河漢傾

二

誰知方外客亦愛酒中仙
昔踏空林月來尋野渡船
醉醒非各趣心迹兩忘緣
江海情何限秋來蓬鬢邊

梵天遊集坐間雨作已復晴
霽步至東橋玩月賦詩二首

傑閣翔林杪披襟此日閒層雲生薄晚涼雨過空山地
迥衣裳冷天高澄霽還出門迷所適月色滿林關

二

空山看雨罷微步喜新涼月出澄餘景川明發素光星
河方耿耿雲樹轉蒼蒼晤語逢清夜茲懷殊未央

對月思故山夜景

沉沉新秋夜涼月滿荆扉露泣凝餘彩川明澄素輝中
林竹樹映疎星河漢稀此夕情無限故園何日歸

春雪次韓昌黎韻同彭應之作

既有陽春曲那無白雪謠連天飛不斷著地暖還消未
掩高人戶難齊衲子腰稍開銀世界漸長玉枝條興盡
愁煙艇行迷認野橋酒腸渾欲凍吟筆為誰搖殘臘成
三白餘閒又一朝香隨梅蕊落輕伴柳花飄神女羞捐
珮鮫人敢獻綃東皇應好事避舍亦相饒

題安隱壁

征車少憩林間寺試問南枝開未開日暮天寒無酒飲

金
卷十六
不須空喚莫愁來

五月五日海上遇風雨作

疾風吹雨滿征衫
陸走川行兩不堪
塵事縈人心事遠
濯纓何必在江潭

禽言和王仲衡尚書三首

提葫蘆沽美酒
春風浩蕩吹花柳
不用沙頭雙玉瓶
鳥歌蝶舞為君壽
祇今一醉豈君恩
昨日之愁愁殺人
不如歸去孤城越絕三春暮
故山只在白雲間
望極雲

深不知處不如歸去不如歸千仞岡頭一振衣

泥滑滑泥滑滑泰望雲荒鏡湖闊綠秧刺水水拍堤牙
旗畫舸隨風發使君行樂三江頭泥滑水深君莫憂

臥龍庵武侯祠

空山龍臥處蒼峭神所鑿下有寒潭幽上有明河落我
來愛佳名小築成幽壑永念千載人丹心豈今昨英姿
儼繪事凜若九原作寒藻薦芳馨飛泉奉明酌公來識
此意顧步慘不樂抱膝一長吟神交付冥漠

陶公醉石歸去來館

予生千載後尚友千載前每尋高士傳獨羨淵明賢及
此逢醉石謂言公所眠况復巖壑古縹緲藏風烟仰看
喬木陰俯聽橫飛泉景物自清絕優游可忘年結廬倚
蒼峭舉觴酌潺湲臨風一長嘯亂以歸來篇

虞帝廟樂歌辭二首

皇胡為兮山之幽翳長薄兮俯清流眇冀州兮何有眷
茲土兮淹留皇之神兮如在予我民兮不窮以愛沛皇

澤兮橫流暢威靈兮無外潔尊兮肥俎九歌兮招舞嗟
莫報兮皇之祐皇欲下矣儼相羊烈風雷兮暮雨

虞之陽兮漓之潯皇降集兮巫屢舞桂酒湛兮瑤觴皇
之歸兮何所龍駕兮天門羽旄兮繽紛俯故宮兮一慨
越宇宙兮無隣無隣兮奈何七政協兮羣生嘉信玄功
兮不宰猶彷彿兮山阿

岩桂

山中綠玉樹瀟灑向秋深小閣芳微度書幃氣欲侵放

懷青露曉遇賞夕嵐陰珍重王孫意天涯汨滿襟

九日

此日風高處千巖錦樹稠無人嘲落帽有客賦悲秋忽
忽塵中老匆匆物外遊江湖空極目不盡古今愁

登定王臺

有廟

寂寞番君後光華帝子來千年遺

一作餘

故國萬事只空

臺日月東西見湖山表裏開從知爽鳩樂莫作雍門哀

登閣

橫空敞新閣高處絕炎氛野迥長颺入天秋涼氣分憑
欄生逸想投迹遠人羣終憶茅簷外空山多白雲

夢山中故人

風雨蕭蕭已送愁不堪懷抱更離憂故人已
在千巖裏桂樹無端一夜秋把袖追歡勞夢寐
舉杯相屬暫綢繆覺來却是天涯客簷溜潺潺
瀉未休

九日登天湖以菊花須插滿頭歸分韻賦詩得歸
字

去歲瀟湘重九時滿城風雨客思歸故山此日還佳節
黃菊清樽更晚暉短髮無多休落帽長風不斷且吹衣
相看下視人寰小祇合從今老翠微

次雪韻一首

一夜同雲匝四山曉來千里共漫漫不應琪樹猶含冷
翻笑楊花許耐寒乘興正須披鶴氅淪甘猶喜破龍團
無端酒興催吟筆却恐長鯨吸海乾

進賢客舍

白日照寒野緬然千里平馳暉一以沒浩蕩驚飈生霞
彩林中見月華波上明同行魯狂士思發商歌聲洗耳
奏金石信知塵慮輕

新筍

脩脩江上林白日暗風雨下有萬玉虬三冬臥寒土

枕屏秋景

山寒夕飈急木落洞庭波幾疊雲屏好一生秋夢多

西閣

借此雲窻眠靜夜心獨苦安得枕下雲去作人間雨

采菱舟

湖平秋水碧桂棹木蘭舟一曲菱歌晚驚飛欲下鷗

南阜

高丘復層觀何日去登臨一日長空盡寒江列暮岑

拜鴻慶宮有感

舊京原廟久煙塵白髮祠官感慨新北望千門空引籍

不知何日去朝真

舟泊山溪

鬱鬱層巒夾岸青春溪流水去無聲烟波一棹知何處
鷓鴣兩山相對鳴

武夷棹歌三首

一曲溪邊上釣船幔亭峰影蘸晴川虹橋一斷無消息
萬壑千峰鎖翠烟

四曲東南兩石巖巖花垂露碧氈毯金鷄叫罷無人見
月滿空山水滿潭

六曲蒼屏遶碧灣
茅茨終日掩柴關
客來倚櫂品花落
猿鳥不驚春意閒

題蘧庵畫卷

流雲遶空山
絕壁上蒼翠
應有採芝人
相期烟雨外

榴花

窈窕安榴花
乃是西隣樹
墜萼可憐人
風吹落幽戶

萱草

端居春向殘
夏氣已清穆
睡起悄無人
風驚滿窗綠

和劉明德二首

出山幾何時歸來復長夏端居心不怡散髮長林下

二

炎蒸不可柰雲氣滿前峰向夕風吹盡微聞遠寺鐘

邵武道中

風色戒寒候歲事已逶遲勞生尚行役遊子能不悲林
壑無餘秀野草不復滋禾黍經秋成收斂已空畦田翁
喜歲豐婦子亦嘻嘻而我獨何成悠悠長路岐凌霧即

曉裝落日命晚炊不惜客鬢彫鎮日長空飢征鴻在雲
天浮萍在清池微蹤政如此三歎復何為

久雨齋居誦經

端居獨無事聊披釋氏書暫釋塵累牽超然與道俱門
掩竹林幽禽鳴山雨餘了此無為法身心同晏如

過黃塘嶺

屈曲危塍轉沉陰山氣昏蟬聲高樹暗石瀨淺流喧已
過黃塘嶺欲覓桃花源無為此留滯驅馬踰山樊

齋居聞磬

幽林滴露稀華月流空爽獨士守寒栖高齋絕羣想此時隣磬發聲合前山響起對玉書文誰知道機長

秋雨

一雨散林表清陰生廣庭喜茲新秋夜起向高齋行煩歎獲暫祛涼氛集華纓沉沉遠林氣愜此端居情節物坐如此撫世襟方盈歸當息華念超遙悟無生

秋夕懷子厚二首

雨歇林氣爽月華湛遙暉齋居玩物變廓落滄洲期焚
香散碧虛撫節陳清詩抗志屬雲端非君諒誰知

二

涼風沉齋宇夕陰未渠央寒栖屬遙夜長簟卷單牀浮
雲蔽中天愁林隔秋窗思君一晤對耿耿何能忘

病中呈諸友

窮居值秋晦抱疾獨齋居行稀草生徑一雨復旬餘交
親各所營曠若音塵疎始悟端居樂復理北窗書誦讀

興已闌起坐方躊躇綠樹滿空庭策策涼飈初良時不
復停煩吝未云祛還思對君子日夕停軒車

冬雨不止

匆匆時序改白日藏光輝重陰潤九野小雨紛微微蒼
山寒氣盛高林霜葉稀田家秋成意落落乖所期曠望
獨興懷戚戚愁寒衣事至當復遣且掩荒園扉

春日言懷

春至草木變郊園猶掩扉晨興與心會覽物偏芳菲桃

夢破殘紅時禽悅朝暉泉谷暖方融原田水初肥東作
興庶忙歲功始在茲端居適自慰世事復有期終然心
所尚農畝當還歸

晚步

東原鬱已秀嘉樹靄初綠衆卉發春陽前山可遐矚端
居日康健涉澗步墟曲景幽恣所尋悟悅何由足鳥鳴
華薄深泉響亂流續握手一同忻吾生詎幽獨

山館觀海棠作一首

景暄林氣深雨罷寒塘淥置酒此佳辰尋幽慕前躅芳
樹麗烟華紫綿散清馥當由懷別恨寂寞向空谷

過武夷作

弄舟緣碧澗棲集靈峰阿夏木紛已成流泉注驚波雲
闕啓蒼茫高城鬱嵯峨眷言羽衣子俛仰日婆娑不學
飛仙術累累丘塚多

寄山中舊知

故園今夜半林影澹逾清曳杖南溪路君應獨自行潺

溪流水思蕭索早秋聲盡向琴中寫焉知離恨情

又

采藥侵晨入亂峰宿雲無處認行蹤歸來應念塵中客
寄與玄芝手自封

懷子厚

中夏辭故里涉秋未停車賓友坐離閣田原想榛蕪感
茲風露朝起望一煩紆眷彼忘言子鬱鬱西齋居俯飲
蒼澗流仰詠古人書名應閭里薦心豈榮利俱琅然撫

枯桐幽韻泉谷虛褰裳欲往聽乖隔靡所如

垂澗藤

寒泉下碧澗古木垂蒼藤蔭此千里流閒花自層層何
人賞幽致白髮巖中生

臨流石

偃蹇西澗濱枵然似枯木下有幽泉鳴上有蒼苔綠來
往定何人山空此幽躅

懸崖水

秋天林薄疎翠壁呈清曉迢遞瀉寒泉下有深潭悄時
飄桂葉來尋源路殊杳

穿林徑

屈曲上雲端似向崖陰斷行聞山鳥鳴下與泉石亂去
去不知疲幽林自成玩

督役城樓

天高無遊氣林景澹餘暉感此霜露節但傷風土非季
秋時序溫百卉不復腓祇役郊原上暄風一吹衣仕身

諒無補課督慚飢羸還憶故園日策杖田中歸

安溪書事

清溪流不極夕露起嵐陰虛邑帶寒水悲風號遠林涵
山日欲晦窺閣景方沉極目無遺眺空令愁寸心

病告齋居

層陰靄已布小雨時漂洒獨臥一窗間有懷無與寫高
居生遠興春物彌平野慮曠景方融事遠情無捨聊寄
茲日閒塵勞等虛假

聞蟬

悄悄出郭暗故園應掩扉蟬聲深樹起林外夕陽稀

試院即事

乙亥

端居惜春晚庭樹綠已深重門掩畫靜高館正陰沈披
衣步前除悟物懷貞心澹泊方自適好鳥鳴高林

借王嘉叟所藏趙祖文畫孫興公天台賦凝思幽巖
朗詠長川一幅有契予心因作此詩二首

翩然乘孤鶴往至蒼崖巔上有桂樹林下有清泠淵洗

心詠太素汎景窺靈詮棲身託歲暮畢此巖中緣

二

山空四無人澗樹生涼秋杖策忘所適水木娛清幽散
髮塵外飈躍足清瑤流靜嘯長林內舉翮仍丹丘

冷風望演山

方舟越大江凌風下飛閣仙子去不還蒼屏倚寥廓
之德化宿劇頭鋪夜聞杜宇

王事賢勞祇自嗤一官今是五年期如何獨宿荒山夜

更擁寒衾聽子規

題九日山石佛院亂峰軒二首

因依古佛居結屋寒林杪當戶翠峰稠雲烟自昏曉

二

巖中老釋子白髮對青山不作看山想秋雲時往還

宋藝圃集卷十六

欽定四庫全書

集部
宋藝圃集卷十七

詳校官中書臣陸 湘

侍讀臣孫球覆勘

總校官庶吉士臣 何思鈞

校對官編修臣 李堯棟

膳錄監生臣 毛 杞

欽定四庫全書

宋藝圃集卷十七

明 李萊 編

朱文公

示諸同志

夏木已云暗時禽變新聲
林園草被徑端居有餘清
端居亦何為日夕掩柴荆
靜有絃誦樂而無塵慮并
良朋肯顧予尚有夙心傾
深慙未聞道折衷非所寧
眷焉撫

流光中夜歎以驚高山徒仰止遠道何由征

夏日齋居得湖州詩卷咏嘆之餘用卒章之韻以紀其事

孟夏氣淑清窗戶有佳色臥聞幽籥翻轉覺林影寂參差帙委素縹緲香橫碧啜菽有餘歡纓冠非所識故人海邊郡妙語寄遠翼咏嘆不得聞超然見胷臆

社後一日作

聖作重品節等殺古所詳里有秦社稷僭差遂無章王

網諒已隳精意尚不忘尚論千載前簡編有遺芳侃侃
陳孺子恂恂萬春鄉恭敬事耆老禱賽謹田桑悠悠我
里居歲事有故常向來諸老翁惇龐亦端莊交神庶或
享與物同樂康今我胡不樂悵然下頽岡古人不可見
今人自猖狂

茉莉

曠然塵慮盡為對夕花明密葉低層幄冰蕤亂玉英不
因秋露濕詎識此香清預恐芳菲盡微吟遶砌行

謝人送蘭二首

幽獨塵事屏
晚晚秋蘭滋芳馨
不自媚偃仰空相思
晤對日方永
披叢露未晞
脩然發孤詠
九畹陳悲詩

二

淹留閱歲序
契闊心懷憂
獨臥寄僧閣
一室空山秋
裴徊起顧望
俯仰誰為儔
伊人遠贈問
孤根亦綢繆
芳馨不我遺
三載娛清幽
愧無瓊琚報
厚意竟莫酬
瞻彼南陔詩
使我心悠悠

秋蘭已悴以其根歸學古

秋至百草晦寂寞寒露滋蘭華一以悴蕪穢不能治端
居念離索無以遺所思願言託孤根歲晏以為期

去歲蒙學古分惠蘭花清賞已歇復以根叢歸之
故畹而學古預有今歲之約近聞頗已著花輒賦
小詩以尋前約幸一笑

秋蘭遞初馥芳意滿冲襟想子空齋裏淒涼楚客心夕
風生遠思晨露洒中林頗憶孤根在幽期得重尋

秋夕二首

西齋坐竟日曠然誰與儔感茲風露夕始知天宇秋庭
樹且扶疎時物詎淹留心空累云造歲月真悠悠

二

公門了無事吏散終日間涼葉何蕭蕭悲吟庭樹間琴
書寫塵慮菽水怡親顏憶在中林日秋來長掩關

秋夜聽雨奉懷子厚

悄悄窗戶暗清燈讀殘書忽聽疎雨落稍知涼氣初披

襟聊自適掩卷方躊躇亦念同懷人悵望心煩紆鳴琴
愛靜夜樂道今閒居岑岑空山中此夕知焉如

秋懷二首

秋風吹庭戶客子懷故鄉矧此臥愁疾徘徊守空房佇
想澗谷居林深慘悲涼鷗鷺感蕭辰拊翼號風霜氛雜
無留氣悄悄舊有餘芳幸聞衛生要招隱夙所藏終期謝
世慮矯翮茲山岡

懷痾坐竟日晚色散幽樹寂歷候蟲悲沆瀣碧草露端

居興方澹沉默自成趣羽觴歡獨持瑤琴誰與晤空知
玄思清未惜年華度美人殊不來歲月空遲暮

中元雨中呈子晉

徂暑尚繁鬱大火空西流茲辰喜佳節涼雨忽驚秋晚
蘭徑滋蕭蕭庭樹幽炎氣一吹去恢台逝不留刀筆
隨事屏塵囂與心休端居諷道言焚香味真諷子亦玩
文史及此同優游

和李伯玉用東坡韻賦梅花

北風日日霾江村歸夢正爾勞營魂忽聞梅蕊臘前破
楚客不愛蘭佩昏尋幽舊識此堂古曳杖偶集僧家園
嵐陰春物未全到邂逅只有南枝溫冷光自照眼色界
雲艷未怯扶桑暎遙知雲臺溪上路玉樹十里藏山門
自憐塵羈不得去坐想佳處知難言但哦君詩慰岑寂
已似共倒花前罇

寄題梅川溪堂

滄滄流不極上有一畝園幽人掩關臥脩竹何娟娟虛

堂面羣峰秀色摩青天靜有山水樂而無車馬喧人言
市門子往往蒼崖顛揮手謝世人日中翔紫烟遺跡尚
可覲神交邈無緣慨然一永嘆耀靈忽西遷褰裳下中
沚濯足娛清川

奉酬子厚詠雪之作

遙夜不能寐披衣起彷徨仰視天正黑寒氣慘悲涼飛
霰忽下零雪花亦飄揚飄揚未云已須臾滿空翔前山
失舊姿川谷流素光念昔少小時無事志四方五年江

海上不見雪與霜飄飄今日情浩蕩誰能量凌晨飲一杯
竟日守空堂竚立玩奇變永言獲新章躊躇欲何報
玉樹生瓊岡

示西林可師二首

身世年來欲兩忘一春隨意住僧房行逢舊隱低回久
綠樹鶯啼清晝長

幽居四畔只空林啼鳥落花春意深獨宿塵龕無夢寐
五更山月照寒衾

聞二十八日之報喜而成詩

漢節熒煌直北馳
皇家卜世萬年期
東京盛德符高祖
說與中原父老知

感事再用回向壁間舊韻

廊廟憂虞裏風塵慘淡邊
早知煩汗馬悔不是留田
迷國嗟誰子和戎悞往年腐
儒空感慨無策靜狼烟

雪意

向晚浮雲四面平
北風號怒達天明
寒窗一夜清無睡

擬聽杉篁葉上聲

入瑞巖道間得四絕句呈彥集充父二兄

憶昔南遊桂樹陰
歸來遺恨滿塵襟
籃輿此日無窮思
萬壑千巖秋氣深

翩翩一馬兩肩輿
路轉秋原十里餘
共說前山深更好
不辭迢遞款禪居

清溪流過碧山頭
空水澄鮮一色秋
隔斷紅塵三十里
白雲黃葉共悠悠



風高木落晚秋時日暮千林黃葉稀祇有蒼蒼谷中樹
歲寒心事不相違

汲清泉清竒石置薰爐其後香烟被之江山雲物
居然有萬里趣因作小詩

晴窻出寸碧倒影媚中川雲氣一吞吐江湖心渺然
寄謝劉彥集菖蒲之貺

君家蘭社久萋萋近養菖蒲綠未齊乞與幽人伴岑寂
小窗風露日低迷

再賦解朝

宇宙一瞬息人生等浮漚云何百年內萬變紛相酬
顛倒不自知旁觀乃堪羞拱揖尚虞夏干戈到商周豈悟
曠士懷泛若不繫舟駟馬諒弗視名高非所求彼哉夸
奪子逝矣崑崙丘褰裳絕冥外天風舞雲裘

東渚

小山幽桂叢歲暮靄佳色花落洞庭波秋風渺何極

琮琤谷

金
卷十七
湖光湛不流，嵌竇亦潛注。倚杖忽琮琤，竹深無覓處。

趙君澤攜琴載酒見訪，分韻得琴字

山城夜寥閴，虛堂杳沉沉。王孫有高趣，挈榼來相尋。喜
茲煩抱舒，未覺杯酒深。一為塵外想，再撫丘中琴。餘音
殷雷動，爽籟悲龍吟。寄謝箏笛耳，寧知山水音。

同張明府登凌風亭懷无咎

日夕和風至，西山淡無姿。危亭極遠眺，勝處良在茲。憶
昔韓令尹，青雲乃心期。鞿羈不得騁，發此胸中奇。前瞻

千仞岡俯視萬頃陂神襟一以曠我志浩渺彌飛車越
滄浪天風振裳衣懷哉此焉藻問信無邊辭今宮豈不
佳宮商似前徽相攜脫岸幘共此長相思

游武夷以相期拾瑤草分韻賦詩得瑤字

秋聲入庭戶殘暑不敢驕起趁汗漫期兩袂天風飄卷
焉此佳山名號列九霄相與一來集曠然心朗寥棲息
共雲屋追尋喚漁舸一水屢縈迴千峰鬱岵嶢蒼然大
隱屏林端聳孤標下有雲一壑仙人久相招授我黃素

書贈我瓊英瑤茅茨幾時見自此遺紛囂

大雪馬上次敬夫韻

仙人喬嶽頂散髮吹參差喚我二三友集此西南垂列
筵命洛公侑坐迎江妃導之千羽旄投以萬璧璣繽紛
一何麗晦靄難具知衆真亦來翔恍覺叢霄低茫茫雲
霧合一一瓊瑤姿回首謝世人千載空相思吾衰怯雄
觀未敢探此奇短衣一匹馬幸甚得所隨天寒飲我酒
酒罷賡君詩人生易南北復此知何時

敬夫用熹定王臺韻賦詩因復次韻

新詩通造化催出火輪來雲物低南極江山接漢臺心
期千古迥懷抱一生開回首狂馳子紛紛正可哀

穹林閣讀張湖南七月十五日夜詩詠嘆久之因
次其韻

南嶽天下鎮祝融最高峰仰千幾千仞俯入一萬重開
闢知何年上有釋梵宮白日照雪屋清霄響霜鏞極知
環特觀仙聖情所鍾雲根有隱訣讀罷凌長風

自上封登祝融峰絕頂次敬夫韻

衡嶽千仞起祝融一峰高羣山畏突兀犇走如曹逃我
來雪月中歷覽快所遭捫天滑青壁俯壑崩銀濤所恨
無十牯一掣了六鰲端歸青蓮宮坐對白玉毫重閣一
徙倚霜風利如刀平生山水心真作貨食饕明朝更清
澈再往豈憚勞中宵撫世故劇如千蝟毛嬉遊亦何益
歲月今滔滔起望東北雲茫然首空搔

胡丈廣仲與范伯崇自嶽市來同登絕頂舉酒極

談得聞此日講論之樂

我已中峰住君從何處來莫留巖底寺徑上月邊臺濁
酒團圞坐高談次第開前賢渺安在清醕寄餘哀

同林擇之范伯崇歸自湖南袁州道中多奇峰秀
木怪石清泉請人賦一篇

我行宜春野四顧多奇山攢巒不可數峭絕誰能攀上
有青葱木下有清泠灣更憐灣頭石一一神所剜衆目
共遺棄千秋保堅頑我獨抱孤賞喟然起長嘆

歸賦雲洞

人生信多患吾道初不窮云何感慨士伏死嵯巖中宜
陽古道周竅石何嵌空窮幽歷肺腑履坦開房櫳頗疑
有畸人往昔寄此宮歲月詎云幾井竈無遺蹤我來記
清秋歸塗渺窮冬興懷重幽討永嘯回長風風回雲氣
歸洞口春濛濛信美非人境出門吾欲東

分宜晚泊江亭望南山之勝絕江往遊將還而舟
子不至擇之刺船徑渡呼之予與伯崇佇立以俟

因得渡江

寒水粼粼受晚風
輕舸來往思無窮
何妨也向溪南去
徙倚空林暮靄中

臨江買舟

征驂聊駐近江樓
南市津頭問買舟
共說明朝乘雪水
長歌一日到洪州

舟中晚賦

長風一萬里披豁
暮雲空極浦三年
夢扁舟二子同離

離浮遠樹杳沒孤鴻若問明朝事西山晻靄中

過潤陂日晴意可喜至暮復雨伯崇有詩因次其

韻

客裏歲云暮我心殊未平悠悠惜往日鬱鬱懷平生況
復久陰雨喜茲霜晚明那知不終日又作瀟瀟聲坐厭
泥塗辱空嗟鴻鴈輕

安仁曉行

夙駕安仁道行行得自娛荒山圍野闊遠樹出林孤景

晦長煙合天寒碧草枯歸心懷往路極目尚平蕪

次韻擇之發紫溪有作

明日振衣千仞岡夜分起看月和霜久知行路難如此
不用悲歌淚滿裳

擇之寄示深卿唱和烏石南湖佳句輒次元韻

未識南湖景遙欣二子遊賞心并勝日妙語逼清秋
欲攜書卷相將買釣舟微吟歸去晚杜若滿汀洲

遊密菴分韻賦詩得還字

我行得佳友勝日尋名山春山既妍秀清溪亦潺湲行
行造禪扉小憇腰脚頑窮探意未已理策重躋攀入谷
翳蒙密俯澗隨泓灣誰將百尺綃挂此長林間雄聲殷
地厚洪源瀉天慳偉哉竒特觀賞此一日閒所恨境過
清悄愴暮當還顧步三嘆息人生何苦艱

遊密菴分韻賦詩得絕字

閩鄉饒竒山仙洲故稱傑巍然一峰高復與衆山絕傳
聞極目處天水遠明滅萬里倏往還三光下羅列我來

發孤興徑欲躋峭嶸病骨竟支離何當攀去轍

再題吳公濟風泉亭

華林翠磴響風泉竟日閒來石上眠更結危亭俯幽聽
未妨長作地行仙

九月六日早發潭溪夜登雲谷翌旦賦此

懷山不能寐中宵命行軒亭午思畏景薄暮登危巖峻
極踰百磴縈紆欲千盤行行遂曛黑月落天風寒羽人
候中途良朋亦林端問我何所迫而嘗茲險艱疲勞既

云極飢渴不能言投袂臥中丘幸此一室寬恕號竟永
夕落枕無時安旦起闢幽戶竹樹青檀藥驚喜非昔觀
披尋得新觀淹留十日期俯仰有餘歡寄語後來子勿
辭行路難

瀑布

峰回危逕轉垂練忽千尋不為登山倦躊躇秋澗陰

蓮沼

亭亭玉芙蓉迥立映澄碧只愁山月明照作寒露滴

山楹

山楹一悵望恨此雲迷谷仙人不可期縹緲雙鬢綠

竹塢

悄蒨桃蹊北蕭穆竹塢深不堪秋夜永風雨助悲吟

謝客

野人載酒來農談日西夕此意良已勤感嘆情何極歸去莫頻來林深山路黑

淳熙戊戌七月二十九日與子晦純叟伯林同發

屏山西登雲谷越夕乃至而季通德功亦自山北
來會賦詩紀事以雲臥衣裳冷分韻賦詩得冷字
端筴得幽貞考槃寄茲嶺未成長往計抱恨中耿耿秋
風吹庭樹遙夜枕席冷感彼歲序移慨此心事永明晨
發孤興趨駕向絕境躋攀力雖倦想象意逾騁雲山一
以眺俯仰疑倒影檢校石田收眷戀茅屋靜淹留復未
遂外物愧張邴珍重同來人妙語各清整擊節三嘆餘
超然得深省

宿黃沙以山如翠浪湧分韻賦詩得如字

日中秣吾馬日暮膏吾車崎嶇沙南嶺浩蕩凌八區夜
雨薦峰前朝登碧琳墟蒼茫永歎罷翕忽清景徂去此
二三子我行將焉如崔嵬正丘垤萬里忽南圖

洞天

絕壁上千尋隱約巖栖處笙鶴去不還人間自今古

畫鶴

誰寫青田質高超鴈鷺羣長疑風月夜清唳九霄聞

崇壽客舍夜聞子規得二絕句寫呈平父兄煩為
轉寄彥集兄及兩縣間諸親友

空山中夜子規啼病怯餘寒覓故衣不為明時堪眷戀
久知岐路不如歸

空山後夜子規號斗轉星移月尚高夢裏不知歸未得
已驅黃犢度寒臯

讀李賓老玉澗詩偶成

獨抱瑤琴過玉溪琅然清夜月明時祇今已是無心久

却怕山前荷蕢知

暇日侍法曹叔父陪諸名勝為落星之遊分韻得
往字率爾賦呈聊發一笑

長江西委輸匯澤東滉漾中川屹孤嶼佛屋寄幽賞我
來此何日秋風欲蕭爽共載得高儔良辰豈孤往酒酣
清嘯發浪湧初月上疊鼓喚歸艍陳迹真俯仰

分韻得眠意二字賦醉石簡寂各一篇呈同遊諸
兄

驅車何所適往至秋雲邊企彼澗中石舉觴酌飛泉懷
哉千載人矯首辭世喧淒涼義熙後日醉向此眠仰視
但青冥俯聽驚潺湲起坐三太息流涕如奔川神馳北
闕陰思屬東海孺丹衷竟莫展素節空復全低徊萬古
情悽愴顏公篇為君結茆屋歲暮當來還

醉石

天秋山氣深日落林景翠亦知後騎迫且復一流憇環
瞻峰列屏迥矚泉下淥永懷仙陸子久挹浮丘袂於今
知幾載故宇日荒廢空餘醺壇石香火誰復繼更憐韋

刺史五字有真意虎竹付歸人悲風起橫吹沉吟向絕
迹浩蕩發幽寄來者知為誰念我儻三喟

簡寂

秘閣張文簡寂之篇韻高難繼別賦五字以謝來
貺

勞農會稽宅息駕丹元鄉丹元不可見翠壁空雲房是
時中春月暄風發新陽白水注幽壑綠樹敷重岡俯聽
足怡悅仰觀共徜徉班坐得瑤草傾壺出瓊漿長吟遊
仙詩亂以招隱章忽忽林景西躊躇中慨慷座上江海

客兀傲須眉蒼逸氣邁霄漢英詞吐琳瑯思與泉石勝
韻隨笙鶴翔追遊不敢及咏嘆可能忘

俗傳歸宗是王右軍故宅陸修

靜封丹
元真人

秋日告病齋居奉懷黃子厚劉平父及山間諸兄
友

出山今幾時忽忽歲再秋江湖豈不永我興終悠悠况
復逢旱魃農畝無餘收赤子亦何辜黃屋勞深憂而我
忝朝寄政荒積愆尤懷痾臥空閣惻愴增綢繆東南望

故山上有玄煙浮平生采芝侶寂寞今焉儔朝遊雲峰
巔夕宿寒巖幽為我泛瑤瑟冷然發清謳裂牋寄晨風
問我君何求洪濤捩君柁狹硤摧君輶君還苦不早無
乃非良謀再拜謝故人低徊更包羞桂華幸未歇去矣
從公游

夜坐有感

秋堂天氣清坐久寒露滴幽獨不自憐茲心竟誰識讀
書久已懶理郡更無術獨有憂世心寒燈共蕭瑟

奉同尤延之提舉廬山雜詠

白鹿洞書院

在郡城東北十五里

昔人讀書地町疃白鹿場世道有升降茲焉更表章矧
今中興年治具一以張絃歌獨不嗣山水無輝光荒榛
適剪除聖謨已汪洋亦有皇華使肯來登此堂問俗良
懇惻懷賢增慨慷雅歌有餘韻絕學何能忘

折桂院黃雲觀

在書院東北五里院後作亭取李白黃雲萬里動風色之句名之

城中東北望五老何蒼蒼下有前朝寺一原頗深藏門

前林澗幽屋後雲木荒閒窻亦明潔著此瑞錦張

僧房有瑞

香花

更能理枯筇步上林北岡仰視天宇闊俯瞰江流長

受書彼何人姓氏不足詳竹帛有遺臭桂樹徒芬芳

李逢

吉嘗讀書此院

西澗清淨退庵

在棲賢西三里劉凝之舊隱作亭取黃太史詩語名之

凌兢度三峽窈窕復一原絕壁擁蒼翠奔流逝潺湲聞

昔避世人寄此茅三間壯節未云遠高風杳難攀深尋

得遺墟縛屋臨清灣坐睨寒木杪飛泉闕雲關茲游非

昔游累解身復閒保此清淨退當歌不能諼

萬杉寺

在卧龍西十里

休沐聊命駕駕言何所之行尋慶雲寺想像昭陵時門
前杉徑深屋後杉色竒空山歲年晚鬱鬱凌寒姿當年
雨露恩千載有餘滋匠石不敢睨孤標儼相持

寺前後
杉萬本

皆天聖中植有
旨禁剪伐者

更啓石室藏仰瞻天像垂願以清淨化

永為太平基

寺藏仁祖御飛
白書有清淨字

簡寂觀

在開先西五里
陸修靜所居

高士昔遺世築室蒼崖陰朝真石壇峻煉藥古井深結

交五柳翁屢賞無絃琴相攜白蓮渚一笑傾夙心晚歲

更市朝故山鎖雲岑柴車竟不返鸞鶴空遺音

修靜晚為宋明

帝召至建康卒于崇虛館我來千載餘舊事不可尋四顧但絕壁苦

竹寒蕭參

相傳竹是修靜手植其萌即所謂苦甜筍者

歸宗寺

在簡寂西十里

金輪紫霄上寶界鸞溪邊往昔王內史願香有餘烟

相傳

寺是王右軍故宅

千年今一歸景物還依然澗水既蕩涵山花

欽定四庫全書



宋藝圃集

五

亦清妍不辭原隰勞樂此賓從賢訪古共紆鬱勞農獨
勤攀憐我乖勝踐裂牋寄真詮逃禪公勿遽且畢區中
緣

康王谷水簾

谷口景德觀在溫湯西十五里入谷又十五里至簾下

循山西北驚崿嶇幾經丘前行荒蹊斷豁見清溪流一
涉臺殿古再涉川原幽縈紆復屢渡乃得寒岩陬飛泉
天上來一落散不收披崖日璀璨噴壑風颼颼追薪爨
絕品淪茗澆窮愁敬酬古陸子何年復來游

陸鴻漸茶經此水為

天下第一

伏承侍郎使君垂示所與少傅國公唱酬西湖佳

句謹次高韻聊發一笑

越王城下水融融此樂從今與衆同
滿眼芰荷方永日轉頭禾黍便西風
湖光盡處天容濶潮信來時海氣通
酬唱不誇風物好一心憂國願年豐

和林擇之黃雲之句兼簡同游諸兄

登覽日云晏歸車眇重岡天風振余蘓
多露沾我裳數

子情未厭春山杳茫茫還瞻長江白迥眺飛雲黃當念
塵中友心期邈相望無為跨鴻鵠決起凌青蒼

喜罷官觀康王谷水簾夜飲山月軒分韻得主字
奉別送行諸君

嗟余老不才記憶謝明主畀茲山水郡北邙通玄府一
官再溫涼十日九塵土迨茲解章紱絕境方快覩殷勤
故人厚追送崖寺古把酒聽鳴泉相看淚如雨

遊天池

三年落星渚北望天池山臨風幾浩嘆欲往無飛翰今
朝復何朝陟此青雲端高尋已竒絕俯瞰何其寬西窮
濂溪原東盡湓城關渺然滄波外淮山碧連環我意殊
未極更思出塵寰何當駕輕鴻八表須臾間視此長江
水滔滔儻西還

買船至演平拜建康劉公墓下遂入城假館梅山
堂感涕有作

維舟新厯口步上秣陵阡高丘忽嵯峨宿草迷荒烟拜

起淚再滴哀哉不能言驅車且復東借此虛堂眠念昔
堂中人經營幾何年一旦舍之去千秋不言還露井益
清漂風林更修鮮思公獨不見涕下如奔川感慨西州
門愴恨山陽篇晤嘆日隱樹悲歌月當軒堂堂忠孝心
終古諒弗諼尚與吳門子歸來故山巔

酬黃子厚見訪歸途惠詩韻

櫪驥倦千里籠鶴思九臯念昔田舍日不知山林高一
朝逢世紛故丘得潛逃平生棲遁志茲焉始堅牢故人

穀城翁高情北窗陶亦復喜我歸巾車歎林巢申旦更
離閣中情重怱怱

正月五日欲用斜川故事結客載酒過伯林新居
風雨不果二月五日始克踐約坐間以陶公卒章
二十字分韻熹得中字賦呈諸同遊者

玄景彫暮節青陽變暄風忽尋斜川句感此勝日逢駕
言當出遊一寫浩蕩胸雲物疑異候淒迷久連空今朝
復何朝頓覺芳景融疇曩庶復踐隣曲歡來同伊誰一

籃輿連翩數枝筇綠野生遠思清川照衰容遙瞻西山
足突兀彌畝宮庭宇豁清曠林園鬱青葱於焉一逍遙
芳樽間鳴桐溉爵日樹隱班荆汀草豐纖鱗動微波新
萸冠幽叢惆悵景易晏徘徊思無窮願書今日懷遠寄
桑柴翁仰止固窮節愧茲百年中

野塘小隱

傳得希夷九卦圖歸來不復夢榮途野塘竟日無人到
讀盡牀頭種樹書

挽吳給事

粵自辭神武超然絕世紛前身疏太傅今日范忠文圃
樹寒留日湖波冷侵雲懸知千載下此地想遺芬

次林擇之涼峰韻

解轡林間寺歸鴉晚欲盤望中嵐翠合愁外夕陽殘尊
酒何妨盡羈心且自寬無端滿窗月遙夜不勝寒

次韻陳休齋懷古堂

平昔塵編裏心期本自幽那堪舊泉石更作此追遊好

句看猶在遺忠愴已休亦知今日意不逐大江流

題君子亭

清晨坐武觀涼風動高旌挾弓一笑起屈此四座英破
的亦已屢穿楊詎云精軍吏不敢賀高鳥時相驚解韝
脫決遂緩帶飄華纓俯仰新亭幽曠然塵慮清內正外
自直三揖奚所爭端居得深玩君子非虛名

伏承子直都督侍郎臨餞遠郊仍邀嚴州郎中及
諸名勝相與燕集分韻賦詩熹得時字輒成鄙句

芳歲倏云晏故山風雪時胡為在中路復此行遲遲為
有賢主人愛客情依依昨日西門道終晏不能辭今朝
復何朝祖帳遙相追賓從俱俊賢車馬有光輝敞扉得
華觀俯檻臨清池南州淑氣多蕩節佳景隨雪樹雖改
色青山正含姿

朱氏園外谷中有梅近百株是日花落已盡

近開樽酌春醪授

簡哦新詩但覺四座懽不知寸晷移流雲暗寒空蒼烟
染人衣相看暮色至我去公當歸別袖不忍分扣扣陳
苦詞願公崇令德慰我渴與飢

次劉正之芙蓉韻

淺綠深紅出短籬
望中都是可憐枝
要看亂飈寒塘水
更待金風滿意吹

鐵笛亭

山前舊有奪秀亭故侍郎胡公明仲嘗與山之隱者劉君兼道遊涉而賦詩焉劉少豪勇游俠輩晚更晦迹自放山林之間善吹鐵笛有穿雲裂石之聲胡公詩有更煩橫鐵笛吹與衆仙聽之句亭今廢久一日與客及道士數人尋其故址適有笛聲發於林外悲壯回鬱巖石皆震追感舊事因復作亭以識其處仍改今名

何人輶鐵笛噴薄兩崖開
千載留餘響猶疑笙鶴來

漁艇

出載長煙重歸裝片月輕千巘猿鶴友愁絕棹歌聲

劉子澄遠寄羊裘且有懷仁輔義之語戲成兩絕
為謝以發千里一笑

短棹長蓑九曲灘晚來閒弄釣魚竿幾回欲過前灣去
却怕斜風特地寒

誰把羊裘與醉披故人心事不相違狂奴今夜知何處
月冷風淒未肯歸

觀林長仁書卷戲題問答

為愛雲泉百尺飛故將茅屋傍苔磯幾年清夢黃塵裏
此日秋風一棹歸

詩送碧崖甘叔懷游廬阜兼簡白鹿山長吳兄唐
卿及諸耆舊

羗廬不見幾經年一話清遊一悵然此日送君憑問訊
千峰影裏舊潺湲

奉和子服老弟黃揚游巖

聞道黃揚山上頭千峰懷抱百泉幽羨君拄杖年年去
飽看人間萬頃秋

梅

姑射仙人冰雪容塵心已共彩雲空年年一笑相逢處
長在愁煙苦霧中

香茶供養黃蘗長老悟公故人之塔并以小詩見
意

擺手臨行一寄聲故應離合未忘情炷香瀾茗知何處

十二峰前海月明

一別人間萬事空
他年何處却相逢
不須更話三生石
紫翠參天十二峰

題尤溪宗室所藏二妃圖

蕭湘木落時
玉佩秋風起
日暮悵何之
寂寞寒江水
湘夫人

夫君行不歸
日夕空凝佇
目斷九疑山
回頭淚如雨
湘君

題中峰杉徑

盤回山腹轉修蛇橫入中峰小隱家好把穉杉緣徑插
待迎涼月看清華

伏承示及毛公平仲墓銘日索挽詩熹不及識毛
公而愛重其文舊矣義不可辭顧已不及其虞殯
姑以數語題於墓銘後幸辱裁訂或轉而致之其
家幸甚

毛君神仙骨誤落世網中髻鬣出奇語砉然驚乃翁弱
齡翰墨場不言已收功亭亭絕世姿皎皎冰雪容顧步


一長嘯笙鶴翔秋空調高聽者稀老去竟不逢一朝謝
塵濁冷然跨剛風回頭叫安期舉手邀韓終千秋有遺
想一往無留蹤平生故人心灑涕銘幽宮斯人不可見
斯文鬼神通

哭劉嶽卿

曾說幽棲地君家近接連要攜邀月酒同棹釣溪船遽
爾悲聞笛真成嘆絕絃林猿催老淚為爾一潸然

秋日

一雨生涼杜若洲月波微漾綠溪流
茅簷歸去無塵土
淡薄閒花遶舍秋



宋藝圃集卷十七